

REGLUGERÐ

137

30. júlí

um starfstíma og starf póstmanna á póststofunni í Reykjavík.

Samkvæmt 40. gr. laga nr. 60 12. marz 1945, um laun starfsmanna ríkisins og 8. gr. laga nr. 8 9. janúar 1935, um stjórn og starfrækslu póst- og símamála er hér með sett eftirfarandi reglugerð um starfstíma og starf póstmanna á póststofunni í Reykjavík.

1. gr.

Starfstími póstmanna í Reykjavík, annarra en bréfbera og bílstjóra, skal vera 37 klst. á viku og skal hann unninn eftir því, sem við verður komið, óskiptur, eins og verið hefur og sem næst að $\frac{1}{6}$ hluta hvern virkan dag á tímabilinu frá kl. 8—20, nema um fasta þjónustu (vaktir) sé að ræða.

Þó mega póstmenn ekki hætta að vinna að kvöldi, fyrr en lokið er afgreiðslu farandi pósts, en slík eftirvinna má þó eigi fara fram úr 5 klst. á mann á mánuði nema þá með samkomulagi.

Í daglegum starfstíma fellst eitt 15 mínútna hlé til hressingar eða 5—6 sinnum í viku.

Starfstími bréfbera og bílstjóra skal vera 42 klst. á viku.

Vinnutími og vinnuhlé miðast við þörf vinnunnar og fer eftir ákvæðum, sem póstmeistarinn í Reykjavík setur.

2. gr.

Á lögskipuðum helgidögum og almennum frídögum, svo sem sumardaginn fyrsta, 1. maí, 17. júní, fyrsta mánudag í ágúst, eru póstmenn skyldir að vinna ef þörf krefur að dómi póstmeistara, en þá skal greiða þá vinnu sérstaklega, sbr. 3. gr. Vinnu á helgidögum og frídögum skal haga þannig, að póstmenn inna hana af höndum til skiptis, og skal hver starfsmaður að jafnaði eigi kvaddur oftari til vinnu en fimmta hvern helgidag eða frídag, og eigi lengur en allt að 4 tíma í senn á tímabilinu kl. 9—13, nema þá með samkomulagi. Póst- og símamálastjórnin getur, ef henni þykir ástæða til, heimilað, að pósthúsinu í Reykjavík sé lokað fyrir almennt af afgreiðslu á stórhátíðisdögum (nýjárstag, föstudaginn langa, fyrsta páska-dag, fyrsta hvítasunnudag, 17. júní, fyrsta jóladag) og einnig að sumri til (15. maí til 14. sept.) á laugardögum eftir kl. 12,30 og síðdegisútburður pósts í Reykjavík falli þá niður.

3. gr.

Fyrir aukavinnu á virkum dögum, sbr. 1. gr., og vinnu á helgidögum og frídögum, ber póstmönnum í Reykjavík sérstök greiðsla, sem ákveðst af fjármálaráðuneytinu.

Fyrir óstundvisi við vinnu skal dregið af greiðslu kaups eftir nánari ákvörðun póstmeistara í samráði við Póstmannafélag Íslands, sem er viðurkenndur samningsaðili við póststjórnina um þau mál, er varða störf stéttarinnar og einstakra starfsmanna og launakjör, sem ekki eru annars bundin með lögum, reglugerðum eða fyrirmælum samkvæmt þeim.

Ef starfsmaður veikist og getur af þeim ástæðum ekki mætt til vinnu, skal hann þegar tilkynna það yfirmanni sínum, sem ákveður hvort læknisvottorð skuli heimtað. Læknisvottorð skulu vera frá trúnaðarlækni stofnunarinnar.

Póstmenn eiga rétt til sumarleyfis samkvæmt eftirfarandi reglum:

Starfsmenn á 1—12 mánaða þjónustualdri 1—14 daga

Starfsmenn á 1—10 ára þjónustualdri 16 daga

Starfsmenn á 10—15 ára þjónustualdri 14 daga

sumarleyfi og 7 daga vetrarleyfi.

Starfsmenn, sem verið hafa í þjónustu stofnunarinnar í 15 ár eða lengur fá 21 dags sumarleyfi eða 28 daga vetrarleyfi.

Helgidagar, sem falla inn í sumar- og vetrarleyfi teljast með í leyfinu.

Sérhver starfsmaður á rétt til fullra launa, svo lengi sem veikindadagar hans fara ekki fram úr 90 á 12 mánuðum. Séu þeir fleiri lækka launin um helming þann tíma, sem umfram er. Þegar hann hefur verið fjarverandi 180 daga á árinu, fellur launagreiðslan niður. Fyrir starfsmenn, sem verið hafa í þjónustu stofnunarinnar í 10 ár, lengist 90 daga tímabilið í 120 daga, og 180 daga tímabilið í 240 daga. Eftir 15 ára þjónustualdur lengist tíminn á sama hátt í 180 og 360 daga. Starfsmaður, sem verið hefur í þjónustu stofnunarinnar í 20 ár, á rétt til fullra launa í 360 daga, en þá fellur launagreiðslan niður.

Starfsmaður, sem verið hefur 6 mánuði eða skemur í þjónustu stofnunarinnar, á rétt til fullra launa í 30 daga og hálfra í 30 daga. Starfsmaður, sem verið hefur veikur í einn mánuð eða lengur, getur ekki tekið við starfi aftur, fyrr en trúnaðarlæknir stofnunarinnar vottar, að hann sé full vinnufær.

Reglugerð þessi gildir frá 1. apríl 1945 þar til öðruvísi verður ákveðið. Jafnframt falla úr gildi reglur um starfstíma póstmanna í Reykjavík o. fl., útgefnar 30. sept. 1942, og breytingar á sömu reglum, útgefnar 2. júní 1944.

Samgöngumálaráðherrann, 30. júlí 1945.

Emil Jónsson.

Guðmundur Hliðdal.

Auglýsing frá ríkisstjórninni, birt í 35. tbl. Lögbirtingablaðsins 1945, um takmarkað afnám umferðartálmana af hernaðarástæðum.

Samkvæmt tilkynningu amerísku herstjórnarinnar eru öll fyrirmæli varðandi umferðartálmanir á landi og við strendur landsins úr gildi fallin með þeim takmörkunum, er hér greinir:

1. a. Tilkynningar um tundurduflasvæði úti fyrir Vestfjörðum og Austfjörðum eru enn í gildi.
- b. Þar til er lokið hefur verið hreinsun fyrrverandi bannsvæðis milli Gróttu og Akraness, geta skip, sem veiða með netum eða leggjast við akkeri innan 20 faðma dýptarlinunnar, átt á hættu að verða fyrir tjóni á veiðarfærum eða flækja legufærin vegna hindrana, sem enn liggja í botni á þessu svæði, og gera skipin þetta því á eigin ábyrgð.
2. Öllum öðrum en þeim, sem hafa fengið þar til gerð vegabréf eða sérstaka heimild frá hlutaðeigandi yfirmanni, er bannað að fara inn í herbúðir eða hermannvirki. Til að hindra óafvitandi yfirtroðslur er megnið af þessum mannvirkjum